

Ушбу низом 08 сентябр 2014 йилда «Universal sug'urta» AJ акциядорлар умумий йиғилишида рус тилида тасдиқланган, узбек тилига рус тилидан таржима қилинган.

«Universal sug'urta» AJ акциядорларининг 2014 йил
08 сентябрдаги навбатдан ташқари умумий
йиғилишининг 4-сонли баённомасига илова

"Тасдиқланган"
«Universal sug'urta» AJ акциядорлар навбатдан
ташқари умумий йиғилишининг раиси
Рахимова Р. В.

"Universal Sug'urta" AJ Тафтиш комиссияси тўғрисида НИЗОМИ

I. УМУМИЙ ҚОИДАЛАР

1.1. Мазкур низом "Акциядорлик жамиятлари ва акциядорларнинг ҳуқуқларини ҳимоя қилиш" тўғрисидаги Ўзбекистон Республикаси Қонуни (янги тахрирда) ва «Universal Sug'urta» aksiyadorlik jamiyatining Устави асосида ишлаб чиқилган.

1.2. Мазкур Низом «Universal Sug'urta» aksiyadorlik jamiyati Тафтиш комиссиясининг мақомини белгилаб беради ҳамда унинг фаолиятини, уни юритиш ва қарорлар қабул қилиш тартибини тартибга солади.

2. ТАФТИШ КОМИССИЯСИНING ҲУҚУҚИЙ МАҚОМИ

2.1. Тафтиш комиссияси жамиятининг органи ҳисобланиб, «Universal Sug'urta» AJ фаолияти, унинг бўлинмалари ва хизматлари, Акциядорлик жамияти балансида турган филиаллари ва ваколатхоналари фаолияти устидан ички молия-хўжалик ва ҳуқуқий назорат қилиш функцияларини амалга оширади.

2.2. Ўз фаолиятида Тафтиш комиссияси Ўзбекистон Республикаси қонунларига, давлат бошқаруви органларининг қонуности ҳужжатларига, Акциядорлик жамияти Уставига, мазкур Низомга ва акциядорлар Умумий йиғилиши томонидан қабул қилинадиган ҳамда Тафтиш комиссияси ва унинг аъзолари фаолиятига тааллуқли бўлган жамиятининг бошқа ҳужжатларига амал қилади.

3. ТАФТИШ КОМИССИЯСИНING ҲУҚУҚИЙ МАҚОМИ

3.1. Тафтиш комиссияси акциядорларнинг умумий йиғилиши томонидан сайланади. Овоз бериш Тафтиш комиссияси аъзолигига ҳар бир номзод бўйича алоҳида ўтказилади. Аниқ шахсни Тафтиш комиссияси таркибига киритиш тўғрисидаги қарор, агар унинг учун йиғилишда иштирок этаётган Акциядорлик жамияти оддий акциялари 40%идан кўпининг эгалари (ёки уларнинг вакиллари) овоз беришса, қабул қилинади.

Тафтиш комиссияси аъзоларини сайлашда Кузатов Кенгаши аъзоларига ёки бошқарув органларида лавозимларни эгаллаб турган шахсларга тегишли акциялар овоз беришда иштирок этиши мумкин эмас.

3.2. Тафтиш комиссияси камида уч кишидан иборат. Тафтиш комиссияси

аъзоларининг сони тоқ бўлиши керак. Тафтиш комиссияси 1 (бир) йил муддатга сайланади.

3.3. Айти бир шахс айти бир жамиятнинг тафтиш комиссияси таркибига (тафтишчиликка) кетма-кет уч мартадан ортиқ сайланиши мумкин эмас.

3.4. Жамият тафтишчиси ёки тафтиш комиссиясининг аъзолари бир вақтнинг ўзида жамият кузатув кенгашининг аъзоси бўлиши, шунингдек айти шу жамиятда меҳнат шартномаси (контракт) бўйича ишлаши мумкин эмас.

4. ТАФТИШ КОМИССИЯСИНИНГ ВАЗИФАЛАРИ

4.1. Жамиятнинг молия-хўжалик фаолиятини текшириш тафтиш комиссиясининг (тафтишчининг), акциядорлар умумий йиғилишининг, жамият кузатув кенгашининг ташаббусига кўра ёки жамият овоз берувчи акцияларининг камида беш фоизига эгаллик қилувчи акциядорнинг (акциядорларнинг) талабига кўра жамият кузатув кенгашини олдиндан хабардор қилиш йўли билан бир йиллик ёки бошқа давр ичидаги фаолият якунлари бўйича амалга оширилади.

4.2. Жамиятнинг молия-хўжалик фаолиятини текшириш якунларига кўра жамиятнинг тафтиш комиссияси (тафтишчиси) хулоса тузади, бу хулосада:

жамиятнинг ҳисоботларида ва бошқа молиявий ҳужжатларида кўрсатилган маълумотларнинг ишончлилигига доир баҳо;

молиявий-хўжалик фаолиятини амалга оширишда бухгалтерия ҳисобини юритиш тартиби ва молиявий ҳисоботни тақдим этиш ҳамда қонунчиликни бузганлик фактлари тўғрисида маълумот.

4.3. Тафтиш комиссияси ҳар чоракда жамият Кузатув Кенгаши Мажлисига аффилиланган шахслар билан тузилган битимлар ёки жамиятда йирик битимлар мавжудлиги, шунингдек қонунчиликнинг ва жамият ички ҳужжатларининг бундай битимларни тузишга доир талабларига риоя қилиниши тўғрисидаги хулосани тақдим этади.

4.4. Ўз вазифаларини бажаришда тафтиш комиссияси қуйидаги иш турларини бажаради:

- жамиятнинг молиявий ҳужжатларини текшириш, мол-мулкни инвентаризация қилиш бўйича тафтиш комиссиясининг хулосаси, ушбу ҳужжатларни бухгалтерия ҳисоби маълумотлари билан таққослаш;

- жамият номидан тузилган шартномалар, тузилган битимлар, контрагентлар билан ҳисоб-китобларнинг қонунийлигини текшириш;

- бухгалтерия ҳисоби ва статистика ҳисобининг амалдаги норматив-ҳуқуқий ҳужжатларга мувофиқлиги таҳлили;

- молиявий, иқтисодий, ишлаб чиқариш фаолиятида белгиланган стандартлар, қоидалар ва ҳоказоларга мувофиқлигини текшириш;

- жамият балансининг тўғрилигини текшириш, солиқ инспекцияси, статистика идоралари, давлат бошқаруви органлари учун бухгалтерия ҳужжатлари.

5. ТАФТИШ КОМИССИЯСИНИНГ ҲУҚУҚ ВА ВАКОЛАТЛАРИ

5.1. Тафтиш комиссияси ўз вазифаларини тўғри бажариш учун:

- жамиятнинг бошқарув органларидан, унинг бўлинмалари ва хизматларидан, мансабдор шахсларидан Тафтиш комиссияси талаб қилган, унинг иши учун зарур бўлган, ўрнатилиши Тафтиш комиссиясининг функциялари ва ваколатларига мувофиқ келадиган барча ҳужжатларни олиш. Кўрсатилган ҳужжатлар ва материаллар Тафтиш комиссиясига унинг ёзма сўровидан кейин уч кун мобайнида тақдим этилади;

- ишлаб чиқариш-хўжалик, молиявий, ҳуқуқий фаолиятда қонунбузарликлар

аниқланиши ёки жамияти манфаатларига таҳдид солиниши жамияти мазкур бошқарув органларининг ваколатида бўлган масалаларни ҳал қилишни талаб этадиган ҳолларда ваколатли шахслардан Бошқарув, Кузатув кенгаши мажлисларини, акциядорлар Умумий йиғилишини чақиришни талаб қилиш;

- ишлаб чиқариш-хўжалик, молиявий, ҳуқуқий фаолиятда қонунбузарликлар аниқланган ёки жамияти манфаатларига бошқача хавф таҳдид солинган ҳолларда Акциядорлик жамиятининг Умумий йиғилишини чақириш (бир овоз билан қарор чиқарган ҳолда);

- жамияти ходимларидан, шу жумладан исталган мансабдор шахсларидан, Тафтиш комиссияси ваколатида бўлган масалалар бўйича шахсан тушунтириш беришни талаб қилиш;

- жамиятида штат лавозимларини эгалламаган мутахассисларни шартнома асосида ўз ишига жалб этиш;

- акциядорлик жамиятининг бошқарув органлари, унинг бўлинмалари ва хизматлари олдига, Акциядорлик жамияти томонидан қабул қилинаётган низомлар, қоидалар ва йўриқномаларни бузганлари тақдирда, Акциядорлик жамияти ходимлари, шу жумладан мансабдор шахсларининг жавобгарлиги тўғрисидаги масалани қўйиш.

6. ТАФТИШ КОМИССИЯСИ ВА УНИНГ АЪЗОЛАРИ МАЖБУРИЯТЛАРИ

6.1. Текширишларни ўтказиш пайтида Тафтиш комиссияси аъзолари текширув мавзусига тааллуқли бўлган барча ҳужжатлар ва материалларни синчиклаб текширишга мажбурдирлар. Нотўғри хулосалар учун Тафтиш комиссияси аъзолари акциядорлар Умумий йиғилиши томонидан белгиладиган мезонларда жавобгар бўладилар.

6.2. Агар унга берилган ваколатларнинг амал қилиш муддати мобайнида Тафтиш комиссиясининг аъзоси ўз функцияларини бажаришини тўхтатса, бу ҳақда у Кузатув кенгашини Тафтиш комиссиясидаги ишини тўхтатишидан бир ой олдин хабардор қилиши шарт. Бу ҳолда акциядорлар Умумий йиғилиши ўзининг энг яқин вақтда ўтказиладиган мажлисида Тафтиш комиссиясининг аъзосини алмаштиради.

6.3. Тафтиш комиссияси қуйидагиларга мажбур:

- акциядорлар Умумий йиғилиши, Кузатув кенгаши, Бошқарув эътиборига амалга оширилган тафтиш ва текширишлар натижаларини Акциядорлик жамияти бошқарув органлари мажлисларидаги ёзма ҳисоботлар, маърузаномалар, ахборотлар шаклида ўз вақтида етказиш;

тижорат сирини сақлаш, ўз функцияларини бажаришлари пайтида Тафтиш комиссияси аъзолари фойдалана оладиган, сир сақланадиган маълумотларни эълон қилмаслик;

- жамияти манфаатларига ҳақиқатда хавф таҳдиди пайдо бўлган ёки мансабдор шахслар йўл қўйган суиистеъмолликлар аниқланган тақдирда ваколатли органлардан акциядорларнинг навбатдан ташқари Умумий йиғилишини чақиришни талаб қилиш.

6.4. Тафтиш комиссияси Кузатув кенгашига акциядорларнинг йиллик Умумий йиғилишига кўпи билан 10 кун қолганда молия ҳисоботи ва бухгалтерия ҳисоботини юритиш қоидалари ва тартибларига мувофиқ йиллик ҳисоботлар ва баланслар бўйича хулоса тақдим этади. Унинг хулосаси бўлмаганда Умумий йиғилиш балансни тасдиқлашга ҳақли эмас.

Жамиятнинг молия-хўжалик фаолиятини текшириш яқунлари бўйича Тафтиш комиссияси хулоса тузади, унда қуйидагилар кўрсатилиши керак:

- исоботлар ва жамият бошқа молия ҳужжатларининг тўғрилигига баҳо бериш;

- бухгалтерия ҳисобини юритиш ва молия ҳисоботини тақдим этиш тартибини, шунингдек молия-хўжалик фаолиятини амалга ошириш пайтида қонунни бузиш фактлари тўғрисидаги ахборот.

Тафтиш комиссияси режадан ташқари тафтишларни Акциядорлик жамияти оддий акцияларининг камида 5 фоизига эга бўлган акциядорларнинг ёки Кузатув

кенгаши аъзолари кўпчилигининг ёзма сўровига биноан ўтказади.

7. ТАФТИШ КОМИССИЯСИНИНГ МАЖЛИСЛАРИ

7.1. Тафтиш комиссияси ўз мажлисларида барча масалаларни ҳал этади.

7.2. Унда комиссия аъзоларининг камида 50%и иштирок этганда, Тафтиш комиссиясининг мажлиси қонуний деб ҳисобланади.

7.3. Тафтиш комиссиясининг ҳар бир аъзоси битта овозга эгадир. Тафтиш комиссиясининг далолатномалари ва хулосалари мажлисда қатнашаётганларнинг оддий кўпчилик овози билан тасдиқланади. Овозлар тенг бўлганда Тафтиш комиссияси раисининг овози ҳал қилувчи ҳисобланади.